

EERO JÄRNEFELT (1863–1937)

# RUĐA OVDII RAHČČIT / ČUOHPAHAGA BOALDIMIN

1893

Olju

Álbmotgalleriija / Ateneum dáiddamusea



Njuohtan govve dološ gilvinvuogi. Go čuohpahaga muoraid bolde, de ožžo šattolaš eatnama masa gilvit. Järnefelt málii gova Savo guovllu dáloniid lossa rahčamušain belohahkii olgun, čuohpahaga boalddedettiin. Son geavahii njuohtama ovdánettiin veahkkin maid čuovgagovaid, maid lei váldán eatnamiin ja olbmuiin geat ledje mállen. Järnefelt lei govven maid 14-jahkásaš nieidda go dát lei leamaš boaldimin čuohpahaga. Nieida lei mállen go Järnefelt málii njuohtama unna nieiddaža. Dáiddaduodji lea nammaduvvon álbmoteles *Kalevala* gurgadasa mielde: "Tuop' on piika pikkarainen, raataja rahanalainen" ("Duo lea biiggáš binna báanna, ruđa ovdii rahčči").

Eurohpaláš dáidaga realisttalaš ja naturalisttalaš vuogit oidnogohte sakka maid Suomas. Dan sadjái ahte livčče málen govaid ovddošemiin, de govvidišgohtege geafivuoda dahje ropmivuoda. Daid eai šat čiegadan. Govva čuohcá dovdduide ja daid áiggiid go dat šattai gárvvisin, de dat bohciidahtiige ságastallama geafes olbmuid rivttiin. Njuohtan leage okta dain suomelaš álbmoga govvádusain, mii sisttisdoallá eanemus servodatkritihka. Dáiddaduodji lea Järnefelta dovdoseamos dujiin ja okta Suoma dáidaga golleáigodaga ikonain.

Eero Järnefelt gaccai oahpu St Petersburg dáiddaakademiijas ja dan maŋŋá maiddái Pariissas Académie Julian dáiddaskuvllas. Järnefelt dovdet viiddis panorámanjuohtamiin, muhto maiddái luonddu unnimusge detálljat ledje sutnje seamma divrasat govvet. Son málii maid ollu finna potreahtaid. Luondu ja duođalašvuolta ledje Järnefeltii njuohtandáidaga duohta gáldut.

## KLASSIHKKÁRAT JOĐUS 2017

Ateneum buot ráhkkáseamos klassihkkárat – Helene Schjerfbeck *Veaddjájjeaddji* (1888) ja Eero Järnefelt *Ruđa ovdii rahčči / Čuohpahaga boaldimin* (1893) – johtiba Suopma 100 -ávvujagi gudnin oktanuppelot suomelaš dáiddamuseai miehtá Suoma. *Veaddjájjeaddji* beassá oaidnit Maarianhaminas, Tamperes, Kokkolas, Kemis, Anáris ja Raumas ja *Čuohpahaga boaldimin* fas Turkus, Hämeenlinnas, Lappeenrantas, Joensuu ja Jyväskylä.

Geahča ođđa oanehisfilmmaid njuohtamiin neahtasiidduin [www.klassikotkiertueella.fi](http://www.klassikotkiertueella.fi). Siidduin gávdnojit maid dieđut Ateneum buvttadan johtti čájáhusas ja sáгат mátkki alde.

**#klassihkkáratjođus**



# ATENEUM